

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیانی
(۱۳۰) غروشدور.

[نسخه می غروش
سنه لکی ۲۰ نسخه در .]

اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور . درج ایدله یین
یاؤیلر اعاده اولونماز .

تذکره

دینی ، فلسفی ، علمی ، ادبی هفته لق مجموعه اسلامیه در

والله یهدی من یشاء الی صراط مستقیم

باش محرر
محمد عاکف

صاحب و مدیر مسئول
اشرف ادیب

اتبهون اهدکم سبیل الرشاد

عدد : ۳۷۲

۲۶ ذی الحجه ۱۳۳۶

پنجشنبه

۳ تشرین اول ۱۳۳۴

جلد ۱۵

بوصورتله ایچکینک تخریباتی توسیع ایتش اولورلر . بو آتسه فضله
غاز آتق قیلندندر . »

آثار منتشره :

یکرمی سکیز کانون اول

مدحت جمال بک اوغلمزک، چناق قلعه یه طائد اوله رق، بو عنوان
آلنده انتشار ایدن ، اوچ پرده لک منظوم برتیاتروسی کوردک .
بزده منظوم، منشور تیاترولر یازیله بیلیر؛ لکن اوینانیله بیایرمی؟
غریک مائر مدنیله جه بک ایلری کیتمش مرکز لرنده کی صحنه لرینی
مملکتیمزه کتیرمک قابلدیر؟ شرق اوسویه یی بولشمیدر؟ بولدیغنی
فرض ایتدیکمز صورتده او صحنه لک ابداعی مطلقاً لازم میدر؟

پوسواللرک تدقیقه اوغراشمق بزم هم وظیفه مزک، هم صلاحیت مزک
خارجنده در. بز انتشارینی خبر ویرمکده اولایغمز بوتیاترونک انجق
اخلاقی، لسانی، ادبی، قیمتلری حقده سوز سویله مک ایسته یورزکه،
اثر بواعتبار ایله ادبیات عثمانیه ایچون جداً مدار مباحثات اوله جق
درجه لرده یو کسکدر. اول لسان نظم غایت روان، غایت پوروزسز.
ثانیاً شعرک غرامی، حماسی، اجتماعی بوتون صفحاتی بلا استثنایک
کوزل. ثالثاً وقعه نک انتخابی، ترتیبی چوق ماهرانه. رابعاً محاوره لر،
اوچ بش صحیفه سی خارجده براقبیرسه، ممکن اولدیغنی قدر طبیعی.
احتمال که بو «طبیعی» کلمه سی غایت طبیعی بولوب کچه جکسکمز.
حال بوکه آثار ادبییه مزده عمومیتله کوزه چاربان برنقیسه وارسه اوده
طبیعیلکدن محروم اولمایدیر.

شعری طبیعتک یا فوقنده، یا خارجنده آرامق بزده شعر ایله
برابر باشلامش آلتی یوزسنه لک برعات اولدیغنی ایچون قولای قولای
واز کچه میورز؟ حتی کچه میه جکمز. اک بویوک ادیب لریز بیله طبیعتک
فوقه چقمه یی تعالی، طبیعتله برابر کتیمه یی تنزل صابورلر!

اونک ایچون مدحت جمال بک اوغلمزک اثرنده کوردیکمز علوی
صحیفه لر بزجه نه قدر قیمتدار ایسه هر پرده سنه سریشدیر یان طبیعی
محاوره لرده اونک قدر، بلکه دهها زیاده شایان تقدیردر.

آلتی یوز بوقدر سنه لک ماضیسنه رغماً عروض وزنی بیقیمق
ایسته ینلر آرتیق بو اولچونک افکار وحسیانغزی استیعاب ایده بیله جک
برآهنک تأمین ایده مدیکنی ادعا ایدیورلر. ایسته مدحت جمال بکک
بو وادیده یازدیغنی ابلاک اثری ادعای واقعک محق اولدیغنی ده قطعی
برصورتده اثبات ایدیور.

بزچوق یلرینی آغلايه آغلايه او قودایغمز بوداستان شعر و حماسه،
امیزکه، اسلامک صوک التجاکاهنی قوتارمق ایچون هربری عقله
کلز، خیاله صیغماز قهرماناقلر کوستره رک فدان جان ایدن یوز بیکلرجه
شهیدک ارواح ز کیه سی شاد ایده جکدر.

قازانک اشغال . — استوقه یلندن ۱۲ ایلول تاریخیه تایمس
غزته سنه بو خصوصی تلغراف کشیده اولمشدی : موسقو وودن ۱۰
ایلول تاریخنده کلن بر تلغرافه کوره اوچ هفته اول چه اسلو و اقلر
طرفدن ضبط اولمش اولان قازان شهری بوسفر بولشویق اردولری
طرفدن ضبط اولمشدر . چارسقوئه سلودن اون بر تاریخنده کلن بر
سرویت تلغرافی عین حوادثی تأیید ایدیور . اورال نهری اوزرنده
کان اورالسق ضبط ایدلیدیکندن سامارا و سیمبرینسکی نک
سویتلرک الیه دوشمسی ملحوظ و محقق کی اولدیغنی بیان ایدیور .
اورالسق ضبط ایدن اردو ساماراتک جنوب شرقیسنده واقع اولان
یوزولوق قصبه سنه فعلاً تعرض ایتمکده بولدیغنی جهته جه اسلو و اقلر
سامارای تخیله ایتمکده باشلامشدر .

قازان اطرافنده وقوع بولش اولان محارباتده بیاض خاصه لک
مغلوبیتی اوزرینه محاسن مؤسسان اعضاسندن متشکل هیئت حکومته
قارشی قازانلیر قیام ایتشلر و باروتخانه ده چالیشان عمله تعطیل
اشغال ایله مشغولدر .

انکلتیره :

ایچکی علیرنه . — تایمس غزته سی یازیور : « ایچکی بلیه سنه
دوچار اولانلردن بر چوقلری ایچکی استعمالندن توبه ایله یاقه لرینی
بولیه دن تخلص ایتیه چالیشیورلر . حقایق احوالندن آکلاشیلیورکه
بونلرعلی الا کثر موفق اوله میورلر . زیر ایچکینک تأثیرات مخربه سی
مجموعه عصیه یه تسلط ایتدکدن صوکره باشلاور . عیاش اولانلر
ایچمکلری وقت قبلرینی صیغتی قایلار؛ فرط عصیت، حدت
مزاج کنیدیلرینی دلی کی ایدر؛ هرشیدن نفرت ایدرلر؛ کندی
نفسندن بیله بزکین بر حالد بولنورلر . یوزلرینه باقیلسه لسان
حاللری دییورکه : « مرحله یزی بو حالندن قورتاریکزا، واقعا ایچنجه
موقت بر نشه حس ایدرلر . فقط فرقده دکلدردلرکه بو، کثولک
قائده، وجودده تولید ایتدیکی تهیجک، اعصابده کی اویشقنلک نتیجه
سیدر . ایچکی ازمقدارده استعمال اولوندیغنی زمانده بیله اعصابی دوچار
اختلاج ایدر، فکری ایشلرله مشغول اولانلرده فاصله لی باش
آغریلری تولید ایدر؛ سکوت و راحت سلب ایدر . افراط درجه سنه
واران عیاشلرده کی تأثیراتی ایسه بک آجیقلی، بک مخربدر : اویقو-
سزلق، عقلی وجسمانی هر درلو حرکتدن نفرت، فعالیتدن و طبیعی
نشوون محرومیت، هرشیته لایبالیک، اراده سزلک؛ اشهاد عدم
انتظام، هضم سزلق، نقائص اخلاقیه دن عدم توقی، ایچکیدن باشقه
برشی دوشونمه مک، مرور زمانله رعشه دائمه و فلج عمومی . . .
ایسته بو عیاشلر هب بو احوال و امراضه دوچار اولورلر . واقعا
بعضاً فاجی ایچکی ایله تداوی ایتیه چالیشیورلر . موقتاً فائده
کورورلر سده، اصل علای تزئیددن باشقه برشی یامیش اولمازلر .